



ЛЕНИНЭНЬ КИЯВА

ВЛКСМ-нь Мордовской обкомонь ды Саранск ошонь комитетэнь газетаст

1941 ие
ФЕВРАЛЕНЬ
26-це чи
23 (1319) №
ЛИСИ: 11-це ие,
12 № ковс

Келейстэ толковамс трудицятненень XVIII-це партконференциянь решениятненень

Неть читнестэ прядызе роботанзо ВКП(б)-нь XVIII-це Всесоюзной конференциясь. Конференциясь примась решеният, конат савить роботань большевистской планокс. Неть решениятне тердить ды кепедить минек масторонь весе трудицятненень народной хозяйствань весе отраслятнесэ социалистической од изнявксонь тееме.

Весе масторось, весе трудицятне пек покш мельсэ вастызь конференциянь решениятненень. Советской народось, советской од ломатне ответить неть решениятненень лангс трудовой активностень од подъемсо, эсест роботаст еще седеяк парсте аравтомасо.

Ленинско-Сталинской комсомолось — большевистской партиянь малавикс помощниксэ — карми атак сизе бороцямо великой роботатненень планонь топавтоманзо кис, конань тешкстызе конференциясь. Эряви весе комсомольской организациятнесэ кундамс конференциянь решениятненень седе парсте тонавтнеме, штобу эрва комсомолецсэ сынст содавлнзе вадрясто ды маштоволь толковамост трудицятненень.

Трудицятненень партконференциянь решениятненень келейстэ толковаз, комсомолецтне должны эсь личной примерсэст тердеме весе массатненень седе парсте роботамо, сынст икеле аштица задачатненень топавтомас кис по-большевистски бороцямо. Эрва комсомольской организациятненень эрва комсомолецтненень эряви свал, атак лотксэ лездема партийной организациятненень ды хозяйственной руководителенень сеть задачатненень топавтомасонть, конань аравтынзе весе партиянь, весе масторонть икелев ВКП(б)-нь XVIII-це конференциясь.

Партиянь XVIII-це съездэс еще кавто иеде теде икеле тердизе комсомолонть седе активной хозяйственной деятельности, макссь тензэ права келейстэ невтемс инициатива хозяйственной ды государственной роботань весе областнесэ. Те значит, што весе комсомольской организациятне, весе комсомолецтне должны активнасто бороцямс колмоце пятилеткань планонь топавтоманзо кис.

Промышленной предприятиянь ды транспортонь комсомольской организациятне должны кундамс эсест заводсо, депо, станциясо большевистской порядоконь тееме, являвтомс поход культуранть кис, ваньксинть кис, производствасо вадря дисциплинанть кис. Эряви кепедемс фабрикань, заводонь, чугунокань кинь комсомольской организациятненень ответственностест хозяйственной планонь топавтоманзо кис.

«Комсомолецтне, — кортась конференциясонть ВЛКСМ-нь ЦК-нь секретаресь Михайлов ялгась, — должны улеме 1941 иень планонь топавтоманзо кис бороцямонть активной организаторокс, невтемс стахановской роботань, оборудованиятненень бережной отношениянь ды материалтненень экономной расходованиянь личной пример».

Пек покш задачат аштити велень комсомолецтненень икеле. Конференциянь решениятнесэ тешкстэз кепедемс зёрнань валовой пурнамонть 8 процентс. Те значит максомс масторонтьне дополнительныйна пельмиллиардто ламо суро. Колхозной комсомольской организациятненень задачат ашти сеньсэ, штобу еще седеяк активнасто лездема партийной организациятненень урожайностень кепедема тевсэнтэ. Бороцямс покш урожаенть кис неень шкастонть — те значит образцовостэ аноктаме тунда видемантень. Аноктазэ ли сатышка видьметс, сортировазэ ли сын, пурназэ ли эрявикс удобрения, ули арась аноктазэ сатышка ды вадря фураж, кодамо упитанностест колхозной алашатненень — весе неть вопростнесэ должны интересоваться комсомолецтненень, весе сынст решамостест комсомолецтненень эряви свал лездема колхозонь руководителенень.

Арась кодаможк сомнения, што Мордовиянь комсомольской организациятне, весе комсомолецтне келейстэ ды вадрясто толковасыз партконференциянь решениятненень трудицятненень ды кармить по-большевистски бороцямо сынст тевсэ ютавтомас кис.

Тонавтити XVIII-це конференциянь материалтненень

Сарансконь Мордовской педучилищань тонавтиятне покш мельсэ тонавтити Всесоюзной XVIII-це партконференциянь материалтненень. Сех парсте тень коряс аравтыз тевенть училищань отличник-

не-агитатортне А. Жарков, В. Филимонов, Н. Сурков, И. Милаева ды лия ялгатне. Сын теде икележк свал регулярностэ ютавтнекшнест тонавтиятненень ютксэ политинформацият. И. Дегтяров.



Ардатовской МТМ-нь комсомолецтне невтити роботасо личной пример, вельксэ топавтыть производственной заданият. СНИМКАСОНТЬ: Слесаресь комсомолецсэ Николай Шишлов тракторонь моторонь ремонтировамсто выработкань норманзо топавтни 150 процентс.

Фотось С. Голубевень.

Приветствия Грузиясо советской властень аравтомань 20 иетненень кувалма

Грузиясо советской властень аравтомань 20 иетненень кувалма, ВКП(б)-нь ЦК-сь ды СССР-нь Совнаркомось кучеть Грузиянь КП(б)-нь ЦК-нть лемс, Грузинской ССР-нь Верховной Советэнь Президиумонть ды Совнаркомонть лемс приветствия республикань робочейтненень, колхозниктне-

нень ды интеллигенциятненень. Приветствия Гruzиянь трудицятненень кучеть истяжо СССР-нь Верховной Советэнь Президиумось, РСФСР-нь Верховной Советэнь Президиумось, РСФСР-нь Совнаркомось ды пек ламо организациятне.

(ТАСС).

Грузинской ССР-нь промышленностень, велень хозяйствань, наукань ды искусствань передовиктненень награждениясь

СССР-нь Верховной Советэнь Президиумонть Указсонзо Грузинской Советской Социалистической республиканть 20 иень юбилеензэ кувалма, промышленностень, велень хозяйствань, наукань ды искусствань развитиясо достижениятненень кис награжденнойть ССР-нь Союзонь ордентнесэ ды медальтнесэ Грузинской ССР-нь промышленностень, велень хозяйствань, на-

укань ды искусствань 595 передовик.

Ленинэнь орденсэ награжденнойть 38 ломань, Трудовой Якстере Знамянь орденсэ — 92 ломань, «Знак почета» орденсэ — 136 ломань.

«За трудовую доблесть» медальсэ награжденнойть 155 ломань, «За трудовое отличие» медальсэ — 174 ломань.

(ТАСС).

Отличнигат-общественнигат

З. Макушкина ды М. Ивлишкина тонавтити Косогор велень неполной средней школы. Сын отличной тонавтнамадост башка невтити образцовой пример общественной роботань топавтомасо. Макушкина ялгась, примеркс,

работы классной организаторокс. Сонзэ классо свал паре порядок ды чистота. Те классонь тонавтиятненень дисциплинастка вадря.

И. Поздьякин.

Б.-Березниковской р-н.

Якстере Армиянь начальствующей ды рядовой составонь ды гражданской учреждениянь работниктненень награждениясь

СССР-нь Верховной Советэнь Президиумонть Указсонзо Родинань оборонной мощензэ кемекстамонть коряс Правительствань заданиятненень образцовой топавтоманть кис награжденнойть Якстере Армиянь начальствующей ды рядовой составонь ды гражданской учреждениянь работниктне весе мезэ 213 ломань.

Трудовой Якстере Знамянь орденсэ награжденнойть 38 ломань, Якстере Знамянь орденсэ — 2 ломань, «Знак почета» орденсэ — 76 ломань.

«За трудовую доблесть» медальсэ награжденнойть 97 ломань.

(ТАСС).

Покш урожаенть кис

Поводимово велень Куйбышев лемсэ колхозонь постоянной звенатне виевстэ бороцить сень кис, штобу эрва гектарстонть те иестэнтэ получамс 100 пондонь урожай.

Ней колхозниктне ды колхозницатне по-большевистски аноктастыть тунда видемантень. Сын сортировизз видьметненень, конатненень лисемаст 100 процентной ды дружной. Велень хозяйствань весе инвентарень ремонтонть прядызэ паро качества марто.

Звенатне дружнасто роботыть ловонь кирдеманть, минеральной, удобрениянь аноктамонть ды местной удобрениянь пурнамонть коряс.

А. Харитонов.

Дубенской р-н.

Колхозной драмкружок

Б.-Березниковской райононь Елизаветинка велесэ ули колхозной драмкружок, кона сеетстэ тейнекшни спектаклят. Сон налксинзе «Маленькая ошибка», «Эсмиральда», «Андрейкина затейка», «Любовь с подозрением» пьесатненень ды зярый лият. Драмкружоконь участниктне пьесань налксемсэ яксить маласо Мариуполь велентеньгак.

Драмкружоконть эйсэ руководит ловнома кудонь заведующеесь А. Шепелев ялгась.

П. Бердников.

КОЛХОЗНОЙ КАДРАТ

Неть читнестэ Старо-Шайговской районной колхозной школысэ нолдась колхозной зярый кадрат: (счетоводт, животноводт, садоводт, полеводт).

Сынст ютксэ сех паро отличниктне В. Левкин, П. Арсваткин, Н. Кавтайкин, А. Фадеев, А. Антонов ялгатне ды лият.

И. Щеглов.

ВКП(б)-нь XVIII-це Всесоюзной конференциясь

1940 иень хозяйственной итогтне ды 1941 иентень СССР-нь народной хозяйствань развитиянь планось

Вознесенский ялганть докладонзо коряс резолюциясь, конань примизе ВКП(б)-нь XVIII-це Всесоюзной конференциясь

I.

1940 иень итогтне

ВКП(б)-нь XVIII-це Всесоюзной конференциясь тешкстни, што 1940 иестэ СССР-нь народной хозяйствась пек шаштсь икелев задачатнень решамо-сонт, конат аравтозь колмоце пяти-летней плансонт, конань примизе ВКП(б)-нь XVIII-це съездэсь.

СССР-нь промышленностень продук-циясь колмоце пятилеткань колмо иет-нень перть 1937 иень 95,5 миллиард целковойтнень таркас кассь 1940 иес-тэ 137, 5 миллиард целковойс или 44 процентс, тень ютксо машиностроениянь ды металлообработкань продукциясь кассь 76 процентс.

1940 иестэ, военной действиятнень лангс атак вано, конат мольть иенть ушодовомсто, СССР-нь промышленной продукциясь кассь 11 процентс или 13,6 миллиард целковойс 1939 иенть коряс, тень ютксо машиностроениянь ды металлообработкань продукциясь— 19 процентс. Промышленной продук-циянь касомань темпатне покшолга-леть ковсто ковс весе 1940 иенть перть.

Производствань средстватнень нолда-мось 1940 иестэ кассь 13,8 процентс 1939 иенть коряс ды 52 процентс 1937 иенть коряс. Потреблениянь средстват-нень нолдамось 1940 иестэ кассь 7 процентс 1939 иенть коряс ды 33 про-центс 1937 иенть коряс.

Чёрной металлургиясь 1940 иень ом-боце пелькстэнть ушодовозь кармась нелвикстэ вадрылгавтомо эсензэ робо-танзо, 1940 иенть прыдовомантень чу-гунонь среднесуточной выплавкась пач-тязь 46—47 тыща тоннас 1937 иенть прыдовомсто 40 тыща тоннатнень тар-кас ды сталенть коряс 58—59 тыща тон-нас 50—51 тыща тоннатнень таркас.

Вадрылгавтынзе истяжо эсь роботан-зо цветной металлургиясь. алюми-ний выплавкась 1940 иестэ кассь 1937 иенть коряс 59 процентс, пи-женть—65 процентс, никеленть—280 процентс ды кивенть—300 процентс.

Яла теке, металлонь нолдамонть пок-шолгавтомась каднови колмоце пяти-летней планонь заданиятнень эйстэ ды еще не обеспечивает СССР-нь народной хозяйствань касыця потребностензэ.

Кассь, сехте пек 1940 иень омбоце пелькстэнть, СССР-нь угольной про-мышленностесь. Иень перть уголиянь добовамось приростось кармась улеме 13 процент или малав 19 миллион тон-на 1939 иень уровенть коряс. 1940 иень омбоце пелькстэнть саезь ушо-довсь вадрылгавтома нефтяной про-мышленностесь, тень пингстэ иенть прыдовомантень среднесуточной добова-мось кассь 97—98 тыща тоннас 1937 иенть прыдовомсто 84—86 тыща тон-натнень таркас. Яла теке, колмоце пя-тилеткань заданиятнень эйстэ нефтя-ной промышленностень кадновомазо еще атак машто.

Мероприятияне, конатнень юта-втызь ВКП(б)-нь ЦК-сь ды СССР-нь СНК-сь предприятиянесэ ды учрежде-ниянесэ трудовой дисциплинать ке-мекстамонзо коряс, ды рабочей шканть кувалгавтоманзо коряс, пачтаясь тру-донь производительностень седе тов касомантень ды тейеть условият про-мышленностень од подъемонзо туртов. Яла теке, трудонь производительно-стень касомань ды производствань пок-шолгавтомань возможностнень васов эзизь использова зяряя промышленно-стень отраслатне, сехте пек лесной про-мышленностесь ды строительной мате-риалонь промышленностесь, конат ламо-до эзизь топавто 1940 иень планонть ды аштить промышленностень отстающей отраслякс.

1940 иестэнть чугунокань кинь пе-ревозкатне 1939 иень 392 миллиард тонно-километратнестэ кассь 1940 иес-тэ 409 миллиард тонно-километрас. Реч-ной перевозкатне ламолгадсть 36 мил-лиард тонно-километрас 1937 иень 33 миллиард тонно-километратнень таркас ды 1939 иень 34,6 тонно-километрат-нень таркас. Яла теке, чугунокань кинь транспортонть роботасонзо улить серьез-ной асатыкст: яла мольть аволь ра-циональной перевозкатне, конат загру-жают транспортонть, атак ликвидиро-ва зяряя узелтнень ды направления-нень пропускной способностьсэс теине таркатне.

Кассь зёрнань, сахарной якстерь-каень, чиньжарамонь, модамарень ды эмежень валовой продукциясь. СССР-ганть зерновой культуратнень про-дукциясь 1940 иестэ кармась улеме малав 7,3 миллиард пондо.

Кассь 1940 иестэ колхознэсэ скоти-нань поголовьясь—крупной рогатой скотинась 12 процентс, тувотне 15 про-центс, реветне 25 процентс ды сеятне 34 процентс. Общественной колхозной животноводствась увереннойстэ касты масторсонт скотинань весе поголовья-сонт эсензэ доляно.

Касы СССР-нь трудиятнень мате-риальной ды культурной уровеньст. СССР-сэ робочейтнень ды служащейт-нень заработной платань фондось 1940 иестэ кассь 123,7 миллиард целковойс 1937 иень 82,2 миллиард целковойт-нень таркас ды 1939 иень 116,5 мил-лиард целковойтнень таркас. Покшол-гадсть колхозтнень общественной дохо-дот ды колхозниктнень личной дохо-дот.

Од предприятиятнень строямонть ко-ряс капитальной вложениятнень пок-шолмась 1940 иестэ ульнесь малав 38 миллиард целковой (тень ютксо малав 6 миллиард целковой аволь централи-зованной капитальной вложениятнень коряс), весемезэ жо колмоце пятилет-кань колмо иентень перть 108 мил-лиард целковой (тень ютксо 17,5 мил-лиард целковой аволь централизован-ной капитальной вложениятнень коряс). Неть колмо иентень перть государ-ственной промышленностесьэ аравть стройс сядот фабрика, заводт, шахтат, электростанцият ды лия предприятия, мезенть кувалма действияс нолдазэ 51 миллион тонна мощность од шахтатне-сэ уголиянь добовамось коряс, малав 2.400 тыща киловатт мощность элект-ростанциянесэ, 2.900 тыща тонна чу-гунонь мощностесь доменной пелькат, малав 1 миллион штере хлопкань штер-деманть коряс.

II.

1941 иентень хозяйственной планось

ВКП(б)-нь XVIII-це Всесоюзной кон-ференциясь 1941 иестэ главной хозяй-ственной задачке лови промышленнос-тень основной отраслатнень ды весе народной хозяйствань седе тов касома—металлургиянь, машиностроениянь, велень хозяйстванть, транспортонть ка-сома. Сехте пек зяряи чугунонь, ста-лень, цветной металлтнень, уголиянь, нефтань производстванть седе тов ка-сомась ды машиностроениянь весе вид-нэнь сехте покш развитиясь.

ВКП(б)-нь XVIII-це Всесоюзной кон-ференциясь одобряет 1941 иентень СССР-нь народной хозяйстванть разви-тиянь государственной планонть, ко-нань примизь ВКП(б)-нь ЦК-сь ды СССР-нь СНК-сь ды предлагает пар-тийной, советской ды хозяйственной

организациятнень нолдамс весе ме-лест ды виест 1941 иень истят хозяй-ственной задачатнень решамонть:

1. СССР-нь промышленностень вало-вой продукциянь нолдамонть пачтамс 162 миллиард целковойс 1940 иень уро-вененть коряс 17—18 процентс касома марто, тень ютксо производствань сре-дстватнень группаванть 23,5 процентс ды потреблениянь предметнень груп-паванть 9 процентс.

2. Покшолгавтомс чугунонь нолда-монть 18 миллион тоннас, сталень вып-лавканть—22,4 миллион тоннас ды про-катонь нолдамонть—15,8 миллион тон-нас.

3. Обеспечить уголиянь добовамось 191 миллион тоннань покшолмасо, нефтанть ды газонть—38 миллион

тонна ды торфонть—39 миллион тонна.

4. Обеспечить машиностроениянь продукциянь касоманзо 1940 иенть коряс 26 процентс.

5. Обеспечить электростанциятнень мощностест касома 1,75 миллион кило-ваттс.

6. Покшолгавтомс хлопчатобумажной промышленностень мощностензэ 850 тыща штердема штерес.

7. Покшолгавтомс зерновой культу-ратнень валовой продукциянь 8 про-центс.

8. Обеспечить чугунокань китнень лангсо среднесуточной грузамонть 103 тыща вагононь покшолмасо. Преодолеть водной транспортонь перевозкатнень развитиясонт народной хозяйствань потребностнень эйстэ кадновоманть.

9. Покшолгавтомс государственной ды кооперативной розничной товаро-оборотонть 197 миллиард целковойс.

10. Покшолгавтомс промышленностень сэнтэ ды строительствасонт трудонь производительностень 12 процентс.

11. Алкнигавтомс промышленной продукциянь себестоимостензэ 3,7 процентс ды тень счёте обеспечить промышленностесьэ дополнительной накопления 7,3 миллиард целковоень покшолмасо.

12. Ламолгавтомс начальной ды сред-ней школатнесэ тонавтициятнень чис-ланть 36,2 миллион ломаньс ды выс-шей учебной заведениятнесэ 657 тыща ломаньс истя, штобу социально-куль-турной мероприятиянес общей расход-тнэнь пачтамс 48 миллиард целковойс.

13. Топавтомс капитальной вложени-ятнень программанть 57 миллиард цел-ковоень покшолмасо (тень ютксо 9 мил-лиард целковой аволь централи-зованной капитальной вложениятнень коряс).

14. Обеспечить материальной ды финансовой государственной резерват-нень седе тов покшолгавтоманть.

ВКП(б)-нь XVIII-це Всесоюзной кон-ференциясь ёвты виев кемема, што весе партийной организациятне еще седеяк пек виевгавтсызь социалисти-ческой соревнованиянь робочей клас-сонть, колхозной крестьянстванть ды интеллигенциянь ютксо ды обеспечат 1941 иентень СССР-нь народной хозяй-стванть развитиянь планонть топавтома-но ды велёкса топавтоманзо.



ВКП(б)-нь XVIII-це Всесоюзной конференциясь.
СНИМКАСОНТЬ: конференциянь заседаниятнень зрлсонт

Фотось А. Грибовскоень
(ТАСС-нь фото)

ВКП(б)-нь XVIII-це Всесоюзной конференциясь

ВКП(б)-нь Всесоюзной XVIII-це конференциясонть ВЛКСМ-нь ЦК-нь секретаренть Михайлов ялганть речезь

Маленков ялганть ды Вознесенский ялганть докладнэсэ невтезельть даннойть, конат кортыть минек промышленности развитиянь успештнеде. Сеньсэ, што минек индустриясь кузи пандо прыв, ули комсомолецтнэнь трудонь кой-зяршка доля. Комсомолецтнэнь ютксо улить аволь аламо отличной стахановецт, производствань передовой командирт.

Но ней кортамось моли аволь седе, штобу ёвтнемс неть успештнень, седеяк пек секс, што сынст весе содасызь ды сын а сёповить, но седе, штобу поболшевицки лангс ливтемс минек промахтнень ды асатыктнэнь, мобилизовамс трудитнэнь сынст изнямонть, 1941 иень планонть успешно топавтоманть ды велькса топавтоманть.

Те тевсэнь покш роль должны налксемс комсомолецтнэ. Промышленностень ды транспортонь робочейтнэнь ютксо комсомолецтнэде пек ламо: промышленностень роботыть 1.381 тыща комсомолонь член, кшнинь ки лангонь транспортсонть—300 тыща.

Партиянь XVIII-це съездтэнь мейле комсомолось ансяк стройкатнэс кучсь 400 тыщадо ламо од робочей. Ней новосибирской, воронежской, пензенской ды свердловской комсомольской организациятнэнь активно кундасть станкостроительной од заводонь строимо.

Ды, меельцеке, ламо комсомолецт улить инженерно-технической роботиктнэнь ютксо—90 тыща.

Но эряви видьстэ меремс, што те покш виенть минь аволь сатышкасто тевс нолдтнэяно. Промышленностень ды транспортонь комсомольской организациятнэнь роботасост ламо еще покш асатыкт.

Партиянь XVIII-це съездсэнь Жданов ялгась кортась, што комсомольской роботасост должен ветявомс целеустремленно, предметно, конкретно. Но минек ламо комсомольской организацият аштити ве ёно предприятиятнэнь, шахтатнэнь, кшнинь китнэнь роботаст эйстэ, те шкас эсь роботаст строить производствань конкретной задачатнэнь эйстэ сезевезь.

Выводось тень эйстэ: эряви промышленностень ды транспортонь роботанть комсомольской организациятнэнь безразличной ды равнодушной отношениянть путомс пе, велявтомс сынст вниманиясь фабрикактнэнь, заводтнэнь, шахтатнэнь, кшнинь китнэнь.

Комсомолецтнэ должны улеме 1941 иень планонть кис бороямонть активной организаторкс, невтемс стахановской роботань, оборудованианть бережной отношениянть, материалтнэнь экономно ютавтомань личной пример.

Верховной Советэнь Президиумонть 1940 иень июнен 26-це чинь Указонзо эрямос ютавтоманть пингстэ комсомолецтнэнь ютксо муезь трудовой дисциплинань зярзя колесият, конат неоправдали комсомолонь членэнь званият.

Выводось тень эйстэ: а лавшомгавтнемс, но эрва кода виевгавтнемс бороямонть од ломатне ютксо трудовой дисциплинанть кемекстамонзо кис, путомс пе производствань дезорганизаторктнэнь либеральной отношениянть фактнэнь. Прогульщиктнэнь, трудовой дисциплинань колесиятнэнь арась тарка комсомолонь ридтнэсэ.

Комсомолонть роботасонзо асатыктнэнь витемасонть покш роль должен налксемс партийной организациятнэнь ёндо руководстванть виензасось. Партийной организациятне, сех пек партиянь XVIII-це съездтэнь мейле, кармасть явомо седе покш мель комсомольской организациятнэнь. Но улить еще факт, зярдо партийной организациятне а явить мель комсомольской организациятнэнь роботаст лангс, не руководят сынст эйсэ эрва чистэ, ин-

тересуются сынст роботасост отчётсто отчётс.

Вознесенский ялганть докладсонзо пек видестэ ульнесь аравтозь вопрос минек весе резерватнень тевс ютавтоманть. Тень кувалт мон арсян теёмс кой-зиро замечаният.

Колмо ковдо теве икеле Сталинградской тракторной заводонь комсомолецтнэ ушодеть бороямо экономиянть кис, расточительстванть каршо. Сынст ушодексонть поддержали комсомолонь Центральной Комитетэсь, партиянь Сталинградской обкомось, Наркомсредмашось. Нурька шкань перть тракторной заводсонть комсомолецтнэ ванастасть металл ды лия материалт 1.300 тыща целковой лангс. Мезень коряс моельсь экономиясь? Вана кой-кодат примерт. Кузнечной цехсэнь зярзя иень перть пурнавь 200 тоннадо ламо отход ды брак. Комсомолецтнэ добовизь сень, што те металлонт нолдызь вишка деталень теаманть. Те лездась ванстомс 100 тыщадо ламо целковой. Заводской территориянть лангсто пурнасть 1.200 тонна кшни петь. Тамшомозь ды колазь инструментэнь, кона икеле молиль яла отходе, кармасть одкс тейнэме, витнэме переточка, наплавка, наварка вельде. Комсомолецтнэнь предложиясь коряс ульнесь аравтозь смазочной ды обтирочной материалтнэнь ютавтомань нормат. Неть ды лия мератне лездась ванстомс 45 тонна ваднемань ой ды 100 тыща целковойде ламонь питне лия материалт. Техническо-экономической конференциясонть, кона тердезель комсомолецтнэнь инициативаст коряс, ульнесь установлено, што эрва кодат ёмавтнеманть маштозь заводсь может ванстомс 9 млн. целковойде ламо.

Сталинградской тракторной заводонь комсомолецтнэнь ушодкось мусь поддержка минек масторонь ламо предприятиясо, парторганизациясо ды зярзя наркоматсо. Тенень подтверждиясь можаль бу невтемс ламо примерт.

Экономиянть коряс комсомольской организациятнэнь роботаст опытстэнь напрашивается кой-зиро выводт. Минек предприятиятнэсэ, кода теве кортасть уш конференциясонть, пек беряньстэ аравтозь учётось. Секе жо Сталинградской тракторной заводсонть ансяк автоматной цехсэнь пель иень перть ёмасть 500 тыща деталь. Заводонь руководствась натой эзь арсяк муеме чумотнень ды пресечь истямо практиканть. Меке? Секе, што минек кой-кона хозяйственниктнэнь отношениясь народной ули-паронтень аволь истямо, кодамо эсест личноентень. Ваньныть истя: те, келя, аволь монь, но казённой, государствась, келя, минек сюлав, сон весе, мезе эряви максыть, эрва мезенть кис питнэнь пандсы. Но мон арсян, бути кой-кона директортнэнь ёмавольть кодаткак личной вещаст, сын весе бу стявтовлизь пильге лангс ды весе эсь содавике ломатнэнь пель ие бу ёвтневельть эсест несчастьядонть. А зярдо 500 тыща деталь ёмасть, те а токши директоронт. Меке? Секе што те, келя, аволь монь.

Эряви народной ули-паронь учётонть истямо варварской отношениянть путомс пе. Минек предприятиятнэсэ должен улеме организовазь истямо учёт, конань пингстэ не мог бу ёмамс вейкеяк гайка.

Минек ламо предприятиясь уштомалень ды электроэнергиянть ютавтомань норматне, конат аравтозь изделитнэнь единицань коряс, ламодо покшолгавтозь. Металлонь прочностень лангс норматне машиностроительной ламо заводга кемекстазь Бахонь таблица коряс. Те таблица эри пель пинге. Ведгемень иетнэнь перть лияксомсь технологиясь, появаст од стальть, ламодо седе кеметь сетнэнь коряс, конатнэнь содылине Бах, но зярзя за-

водга те таблица коряс руководствуються яла нейгак. Вспомогательной материалтнэнь, обтирочной, смазочной материалтнэнь ды лиятнэнь лангс кой-кона заводтнэсэ вообще арасть кодаткак нормат. Эряви аравтомс неть материалтнэнь ютавтомань (расходомаонь) нормат, тосо жо, косо сынш тамшомсь, одкс ванкшномс сынст.

Строжайшей экономиянть кис, расточительстванть каршо замечательной движениянть вступают ламо робочейть ды инженерт. Ламо робочейть сайнить эсест лангс обязательстват производстванть туртов ды продукциянть качественть зыянтомо экономить материал. Минек тевенек—эрва кода поддержать трудитнэнь те инициативанть народной ули-паронь ванстомасонть. Те карми улеме серьезной вкладокс 1941 иень планонть топавтоманзо кис бороямонь тевсэнь.

Общце вопроссь—рационализациясь ды изобретательствась. Минек сех ламо наркоматнэ беряньстэ руководят рационализациянть ды изобретательстванть эйсэ. Угольной промышленностень Наркоматсонть «Новизнань бюронь» бюллетенень данноенэ коряс, минек максозь 1936 иестэ 1939 иенть самс шканть перть весемезэ ансяк 4 тыщат патентт. Америкасо теке жо шканть перть максозь 50 тыща патент, а Германиясо,—теке жо бюронть данноенэ коряс,—ансяк 1939 иестэнь—16.526 патент. А ведь минек масторсонть коллективной, созидательной трудонь, производстванть икелепелев прогрессэнэ ды совершенствованиясонзо робочейтнэнь пек покш заинтересованностень основанть коряс, буквально эрва чистэ появкшныть сядот тыщат рационализаторской предложият. Творческой мыслись чуди лисьма пряс, но сеетьстэ изобретательне натаквиваются бюрократизма ды равнодушия марто. Саеми хотя бу секе «Новизнань бюронть». Сон теезь угольной промышленностень Наркоматсонть, но аравтни изобретеният малав весе промышленностьканть. «Новизнань бюрось» обслуживает Наркомземанть, Наркомзаготнть, Наркомпросонть, Наркомтекстиленть ды лия наркоматт ды учреждият, весемезэ 24. Иень перть бюрованть ютасть 12.495 заявляния, сынст эйстэ ансяк 600 касались угольной промышленностень Наркоматонтень.

Рационализация ды изобретательстводо положениясь, кона нолдась 1931 иестэнь, пек тамшомсь. Изобретательствань коряс финансированиясь 1940 иестэнь саезь ютавтозь госбюджет лангс, но финансированиянть порядконт инструкция Наркомфинэсь те шкас эзь максо.

Эряви аравтомс истямо порядок, кона лездаволь бу изобретательстванть седе пек касоманть.

Конференциясонть кеместэ ды видесть критиковить минек зярзя предприятиясо технологической дисциплинанть аволь удовлетворительной состоянианзо. Комсомольской кой-кона организациятне, в частности Днепродзержинск ошсо Дзержинский лемс заводсонть, невтити кода ламо могут теёмс комсомолецтнэ технологиянть соблюдениянть коряс. Те заводсонть 1940 иестэнь ансяк металлонт сортностень алкалгавтомась тейсь малав 10 млн. убытка. Комсомолецтнэ решиль лездемс партийной ды хозяйственной руководстванть технологической дисциплинанть кемекстамосонзо. Проверизь, кода тевс ютавтнэви контрольно-измерительной аппаратурась. Ливтезь лангс, што ламо цехка роботыть «на-глазок». Комсомолецтнэ добовизь сень, што малав 1000 неиспользованной измерительной инструмент витнемадо мейле нолдась тевс. Доменной цехсэнь ютавтозь технологиянть коряс од инструкция. Рудной кардайсэнь комсомолецтнэ тейсть порядок

материалонь сортировкасонть ды нолдамосонть. Весе тень пингстэ ютавтозь массовой робота: тердезель од металлургтнэнь технической конференция, организовазельть беседат ды лекцият технологиянть коряс, ютавтозельть провераюнь рейдт. Те роботанть результатнэ кармасть уш неавомо.

Технологической режименть колесмане аштити сень результатокс, што робочейтнэнь технической знаниянть ды квалификациянть не соответствують сеть требованияктнэнь, конатнэнь предъявляет неень шкань техникась. Од робочейтнэнь массовой технической тонавтоманть а явокшныть эрявикс мель. Техминимумонь кружоктне, социалистической трудонь мастертнэнь курстнэ роботыть беряньстэ. Вана, примеркс, тяжелой машиностроениянть Наркоматсо социалистической трудонь мастерэнь курстнэнь роботань опытстэст. Неть курстнэсэ 1940 иестэнь тонавтнэсь 11.590 ламань, тусть эйстэст—5.473 ламань. Тонавнеманть прыдысь седеяк аламот—1.271 ламань.

2 млн. ламо целковойть, конат ютавтозь неть мероприятиятнэс, теке мерят варма мельга ёртозь. Секс эряви, сеть вопроствань марто связсэнь, конатнэнь толкови конференциясь, седе серьезнойстэ, алкукс ладсо, кундамс массовой технической тонавнеманть коренной вадрылгавтоманть.

Зярояк валт колхозной организациятнеде. Минек улить пек ламо примерт, зярдо колхозонь комсомолецтнэ выступают парторганизациятнэнь алкуксонь помощникес. Примеркс, Ленинградской, Куйбышевской, Тамбовской ды лия областень комсомолецтнэ кеместэ кундасть видеманть анокстамонть—местной удобрениянть пурнамо, ловонь кирдеме, трактористнэнь социалистической соревнованиянть ютавтомо.

Вейке характерной пример. Партийной XVIII-це съездтэнь мейле, комсомолонть инициативанзо коряс, ульнесь анокстазь 164 тыща тейтерь-трактористка, тракторсо жо роботыть 60 тыщадо аламо седе ламо. Тень коряс сех пек беряньстэ ашти тевесь Киргизской ССР-сэ, Калининской, Челябинской областнэсэ. Киргизиянь КП(б)-нь ЦК-сь, Челябинской, Калининской обкомтне могли бу седе пек поддержать масторонть туртов те полезной ушодксонть. Но, кода неяви, сынст кедест те тевентень эзть пачкоде.

Минек масторсонть 153 тыща колхозной комсомольской организация, конат объединяют 2 миллиондо ламо комсомолецт. Эряви теёмс сень, штобу колхозтнэнь комсомольской организациятне партийной организациятнэнь руководстваст коряс еще седеяк пек активна кундавольть велень хозяйстванть икелепелев развитиянть планонть топавтоманть, конадо кортась конференциясонть Вознесенский ялгась.

Большевистской партиясь, Центральной Комитетэсь, лична Сталин ялгась явить пек покш мель од ломатнэнь. Партиянь Сталинской Центральной Комитетэсь эрва чистэ руководит комсомолонть эйсэ, тонавты, кода эряви отстаивать коммунизмань тевенть, весе трудитнэнь тевенть.

Большевистской партиянь ЦК-нть эрва чинь вниманиязо ды руководствазо—сех виде залог сень, што комсомолось активно кунды конференциянть постановлениянть эрямос практической ютавтоманть, партийной организациянть руководстваст коряс ды вейсэ сынст марто кармить добиваться 1941 иень планонть аволь ансяктопавтоманзо но и велькса топавтоманзо, кармить добиваться минек социалистической промышленностень ды транспортонть од подъем, Советской Союзонть оборонной виензэ икеле пелев кемекстамонзо. (Аплодисментт).

ЮНКРОНЬ СЕРМАТ

„ВКП(б)-нь историянь краткой курсонть“ коряс собеседованият

Вирь ало Тавлань неполной средней школы комсомолецна самостоятельно тонавнить «ВКП(б)-нь историянь краткой курсонть».

Ковозонзо кавксть эрсить ялгань собеседованият эрва главаны коряс. Неть собеседованиятнесэ комсомолецна ёвтиять самостоятельной роботань эсь опытэст, ёвтиять, кода сёрмалить кон-

пектт, кодамо дополнительной литературы пользуются.

Ней комсомолецна тонавнить 4-пе главаны. Мартонь 1-це чистэ те главаны коряс парткабинетэнь заведующеесь Седельникова ялгась ютавты лекция.

И. Г. Борисов.

Кочкуровской р-н.

Истя учневти прынзо

— Таго пекстазь!..
— Шкась 8 частт. Паряк, сон овси а панжсыяк?
— Сы, келя, курок, — мерсь ки-бути тейтернестэ.

Мокшалай велень од ломатне истя эрва чокшне учнить клубонь заведующеесь Арзамаскина ялганть. Но сон а капши, сонзэ а ламо интересуе клубонь роботась. Клубонть активезэ арась,

самодельностень кружокт кодаткак а роботыть. Тосо ули радио, но сон а роботы, эрвы тензэ ремонт. Радионть вельде жо можнать организовакшномс эрва кодамо лекциянь, беседань коллективной кунсоломат, бути Арзамаскина ялгась седейшкава кундавольгак те почетной тевенть топавтомо.

П. Щекин.

Чамзинской р-н.

Мекс комсомольской организациясь а касы

Ниле иень перть вейкеяк од ломань атак прима Майдан велесэ ВЛКСМ-нь рядтнес. Тосо ансяк сисем комсомолецт.

Колхозсонть улить зарья замечательной од ломать, ударникть, стахановецт, активистт. Ламонь сынст эйстэ улить мелест совамс ленинско-сталинской комсомолонь рядтнес. Ансяк сын а муить кодамоак пе: косто саемс анкетат, ко-

да заполнить, кода сёрмадомс заявления, кинень максомс. Меельсь шкастонть ламоксть ульнесть полавтозь комсортне.

Аволь союзной од ломатнень ютксо арась кодамоак культурно-массовой, воспитательной работа.

Н. Канаев ды Н. Светкин.

Кочкуровской район.

ГАРМОНИЯНТЬ МИИЗЕ ПРЕДСЕДАТЕЛЕСЬ

Антоновка велесэ Молотов лемсэ колхозсонть ютась иетнестэ ульнесть радио. Ней радиоприемникесь а роботы, тапавз. Кияк а мелявты сонзэ витнеманть кис.

Ульнесть гармония. Сонзэ миизе колхозонь председателесь Цыганов ялгась. Икеле од ломатне ловнома кудосо мор-

силить, киштильте те гармониянть коряс. Мольстекшнине те Цыганов ялганть мелензэ. Секс сон саизе ды миизе гармониянть. Ней сэтме эрси клубсонть.

И. Липатов.

Дубенской р-н.

Критика ды биб лиография

„Сятконь“ омбоце номердэнтъ

«Сабан богатырь» народной легендасы, кона печатазь «Сятко» журналонь омбоце номерсэнтъ (1941 иень февраль), нейти эрзятнень эрямостот исторической покш шка—се шканть, зардо эрзятне ульнесть еще атак лемдя, эрзят «Суранть ды Кададанть перька, Мокшалеенть кувалт, эрзят мик Равонть видсь». Сын неть таркатнес оргелесть, штобу а улемс русской инязортнень подчинениясо. Инязоронь войскане тейнильте эрзятнень лангс набегть, розорильте ды покоряли сынст. Но народонть ютксо ульнесть ламо истят, конат, прок алкуксонь богатырь, ванстыльте эрзятнень независимостест, эрямост ды коест. Самай истямо виев богатырде, истямо ломанде, кона ванстась эрзянь модатнень, — корты легендасы.

Пек вадра «Апак кода карь» народной ёвксось. Те—завоеванной счастьядо, минек советской шкань ломатнеде правдивой произведения.

Кода легендантькак, истя ёвксонтькак келест шождыне, образной, сюнав. Ловновить сын покш мельсэ ды запоминаются.

Поэтической произведениянть эйстэ васняк эрвы тешкстамс талантливей народной сказительница Ф. И. Беззубова ялганть «Ленинде лайшеманзо».

Покш тарка журналсонть сая А. Куторкинень «Ламзурь» исторической поэмасонть саевксэсь—«Моро мазый куломадо».

Печатазь критико-библиографической

кавто статьят.

Паро произведениянть башка, «Сятконь» февральской номерсэнтэ улить аволь удачнойтькак. Истямоке, васняк, эрвы ловомс А. Моронь «Килей» стихенть. Педе-пес пессимистической. Арась эйсэньзэ кодамоак эрямо. Ансяк сельведть, ризнамот, кувсемат ды мезень-бути учнемат.

Сырнень сельведсэньзэ

Аварьгадсь килей:

Пек уш а мельсэнзэ,
Мейс сась сёксесь ней.

.....

Ашине рунгозо

Урозкень штапскаць...

Ней, зардо писателънень икелев аравтозь благородной задача: невтеме минек шкань ломатнень, героиканть, эрямонть, — А. Моро кармась килеенть марто лайшеме сень кувалт, што сынест берянь, якшамо ды учи лия шка.

Ловныцянтень кодамоак лезэ а максы те стихесь. Зыяндэ башка мезеяк эйсэньзэ арась.

Никул Эркаень «Купрян» ёвтнемасонть улить истят фокуст, конатнень кодак а кемпи ловныцянь. Авторонть тетьазо ёвти седе, кодамо пек берянь ломанесь Купрян. Весть те Купрянонь пенгть салакшнось кодамо бути Павул. Сонзэ нис ушть каштом ды теевсь цела взрыв. «Каштом лангето кирпецне ёртовсть... Павулонь од тулупозо весе киртавсь» (косто, кода понгсь тулупось—ки соды). Кода теевсь те взрывсь? Оказывается, Купрян «порохт, келя, путсь пенге полинась»... Кода

истя путсь, сон ведь эзь сода, кона полинатнень саласынзе Павул. Ды бути Павул полинатнень салынеяк, то сынст керсинзе, лзынзе. Ведь аволь анок керязь-лазнозь пенгть салась. Ды зардо порохт эрволь путомс, штобу теевель истямо взрыв, штобу каштомось каладоволь?

Седе тов: теке жо Купрянонь везанка тикше салакшнось кодамо-бути Филя. Купрян сонзэ ванстызе, кармась мельганзо молеме, мейле вязанка тикшенть кирвастизе. Филя теке мерят чувто или сокор—эзь фата, што удалонзо тикшетне палыть, совась кардаз куншкас ды «кирвастекшнине кардазонть, Кармась рангомо...»

Эркаень тетьаз уш весеме ёндэ сядызе Купрянонь. Ды друк сонзэ секе жо Купрянось тердизе инжекс. Симдизе-каванизе ды сон мейле кармась пижнеме: «Кие мерсь, што Купрян берянь ломанесь? Купряндэ паро ломань арась светэнтъ келес...»

Азё кемть теде мейле авторонть: паро или берянь ломанесь Купрян? Ды кодамо истямо тип сон невтсь, кона симдямонь-каванямонь кис шнасы куш кинь. Те—микшневица ойме.

Весё ёвтнемась ашти случайной ды аволь виде явления лангсо. Арась эйсэнь общей сюжетной линия, идейной направленность.

В. Е. Радаевень «Максозь вал» ёвтнемасонть кортамось моли кавто трактористэ: Виталийде ды Аркашкадо. Сын сайсть эсь лангозост обязательства: кизэнь перть сокамс 2500 гектар. Кавонест сынст ульнесть вечкевикс тейтерест. Ды вот весть Аркашка корты Виталийненъ эсензэ Дуняшадонть: «Пек уш паро тейтересь! Аволь уль-

Гитлерэнь речезэ

Германской информационной бюрось пачти, што февралень 24-це чистэ Мюнхенсэ торжественной собраниясонть, кона посвященое национал-социалистской партианть основаниянзо 21 иетненень, речь марто выступил рейхсканцлерэсь Гитлер.

Международной характерэнь проблематнеде кортазь, Гитлер тешкстызе, што Германиянь ды Италиянь союзось а сезевикс.

Теде мейле Гитлер кортась Англиянь каршо военной действитнень перспективатнеде ды являвсь: морясо минек бороцямонь может улемс ансяк ней ушодозь. Минь бажинек васня тонавтоме од командат подводной лодкатнень туртов, конатнень минь ней подасынек действияс. Што сын ней алкукс кармить действовать, тенсь а

савкшны а кемемс. Кавто чассто теде икеле получаць военно-морской флотонь верховной командованиянть сообщениязо седе, што меельсь кавто читнень перть минек корабляне ды подводной лодкатне ваявть неприятельской суднат 215 тыща тонна тоннажсо. Но март ковстонть ды апрель ковстонть ушодовозь англичанть должны улить анокстамс овси лия вешатненень. Сестэ сын кармить содамо, удынек ли минь теленть ды ки седе вадрясто использовизе шканть.

Минек икеле ашти бороцямонь од ие, мерсь Гитлер реченть прыдовомсто. Минь содатово, што сон канды эсь мартонозэ великой решеният, ды кемезь вандано икелепелев.

(ТАСС).

ДАЛЬНЕЙ ВОСТОКОВ АМЕРИКАНСКОЙ БОМБАРДИРОВЩИКНЕНЬ КУЧОМАСЬ

Американской газетатнень корреспондентна пачтить военной тевтнень корис сенатской комиссиянть закрытой заседаниясонзо американской армиянь штабонь начальнике Маршалл генералонть выступлениядонзо.

«Нью-Йорк геральд трибюн» газетанть валонзо коряс, Маршалл являвсь, што американской армиясь должен улемс анок эрва кодат случай-

ностненень ды што командованиясь арси кучомс секте од бомбардировщикть тихоокеанской базатнес, тень ютксо Гавайской островтнес ды Филиппинтнес.

Секе жо газетасы пачти, што Калифорниясто Сингапуров уш ливтасть малав 200 американской бомбардировщик.

(ТАСС).

Американской печатесь США-со рабочейтнень положениядот

США-нь ламо районтнесэ неяви општнень бойкасто касома, кона сюлмавозь сынст эйсэ военной заводтнень ды войскактнень туртов казарматнень строямонть марто. Известной американской журналистна Пирсон ды Аллен пачтить што районтнес, косо строявить од военной заводт ды казармат, састь 3 миллиондо ламо безработнойть. Яла теке неть безработнойтнень эйстэ ансяк аволь покш пельксэсь муь работа, остаткатне эрить пельс вачо.

Промышленностьсэнь военной меро-

приятитнень эйстэ теевезь оживленианть ды масторсонть велень хозяйствань ламо лишной продуктатнень улеманть лангс атак вано, безработицасышккалгали пек састо, питаниянть предметнень лангс питнетне жо касыть.

Трудонь американской федерациянть данноензэ коряс, 1940 иень декабрысто масторсонть лововсть 7 миллион 906 тыща безработнойть ноябрысто 8 миллион 91 тыща ломатнень таркас.

(ТАСС).

как сон, нормамгак бу некак вестькак аволь топавтов...» Ды видеяк, аволь уледеря Дуняша, месь бу тейневель те горе-трактористэсь? Норманзо ансяк топавтнине секе, што вечки эйсэньзэ тейтерь. Ды весть, зардо сон марась, буто Дуняша яксесь лия цёра марто, — сокась пек аламо. Веньберть сон чийнесь, вешнесь тейтеренть следэнзэ. Арсесь седе, кода бу муемс эсензэ соперникенть, «кода пандомс кежесь... па-сиба ёвтазо—эзь понго кедь малазон... Мон судалксонзо бу наравляя... Вана кодамо тенк васенце героесь.

А омбопесь, Виталий, вечкемань горьканть пачк, эсь тейтердензэ арсезь, томбизе керш кедензэ! Путызь больницас. Содавтомонзо сась вечкевиксэзэ Вера. Виталий тензэ ёвти эсь мелявксонзо: обязательствасы кадови атак топавто. Вера жо лапи эйсэньзэ: «Иля ризна... Сокамс аволь ламо кадовсь... Тень кияк а лещтасыяк... Ловсызь топавтозекс...» Значит—можна маньшемскак, очковтирательствасыяк заниматься. Но трактористэсь эзь кунсоло. Сон манизе больницань работницатнень ды оргодсь, сень лангс атак вано, што главной врачось тензэ кортась: эрвы улемс пек осторожнойкс, кеденть велявтнемскак а эрвы, а то можна кадовомс кедтеме. Штобу Виталиень невтеме «героекс», Радаев оргодевтизе больницасто ды кармавтызе вейке кедьса сокамо.

Весё те кода-бути неяви минек од ломатнень лангс каррикатуракс, кенгелемакс.

Ил. Буцко.

Ответ. редакторсь
А. ШЕГЛОВ.